

Бекітемін:  
“MDU Bagytty bala”  
балабақшасының меңгерушісі:  
Өмірғалиева А.Б.



2025-2026 ОҚУ ЖЫЛЫНЫҢ  
«Адал азамат» біртұтас бағдарлама жоспары

2025-2026 оқу жылы



### **«Адал азамат» біртұтас бағдарлама жоспары**

**Қазақстан Республикасының заңнамасына, Мемлекет басшысының және Үкіметтің тапсырмаларына, сондай-ақ Қазақстан Республикасында мектепке дейінгі, орта, техникалық және кәсіптік білім беруді дамытудың 2023-2029 жылдарға арналған жаңартылған тұжырымдамасының негізгі ережелеріне, білім беру саласының стратегиялық және бағдарламалық құжаттарына сәйкес мектепке дейінгі тәрбие мен оқыту жүйесінде 2025-2026 оқу жылының «Адал азамат» біртұтас бағдарлама жоспары**

| <b>№</b> | <b>Жұмыс мазмұны</b>                                                               | <b>Жұмыс түрі</b>     | <b>Уақыты</b>      | <b>Жауапты адам</b>                                  |
|----------|------------------------------------------------------------------------------------|-----------------------|--------------------|------------------------------------------------------|
| 1        | «Алтын күз – шығармашылық шуағы» сурет және қолөнер көрмесі                        | Көрме                 | Қыркүйек 2025 жыл  | Әдіскер, топ тәрбиешілері                            |
| 2        | «Қарттарға құрмет – ұрпаққа өнеге» мерекелік концерт және естелік бұрышы           | Концерттік бағдарлама | Қазан 2025 жыл     | Әдіскер, тәрбиешілер, музыка жетекшісі, би жетекшісі |
| 3        | «Отбасылық спорт мерекесі» ата-ана және бала қатысуымен                            | Спорттық сайыс        | Қараша 2025 жыл    | Тәрбиешілер                                          |
| 4        | «Ертегілер әлеміне саяхат» – ата-әжелермен әдебиет сағаты                          | Дөңгелек үстел        | Желтоқсан 2025 жыл | Әдіскер, психолог                                    |
| 5        | «Ән мен би әлемінде» – музыка жетекшісімен ата-аналарға арналған шығармашылық апта | Шеберлік сағаты       | Қаңтар 2026 жыл    | Логопед, тәрбиешілер                                 |

|    |                                                                                            |                               |                    |                          |
|----|--------------------------------------------------------------------------------------------|-------------------------------|--------------------|--------------------------|
| 6  | «Ашық есік – ашық жүрек»<br>ата-аналарға арналған<br>бөбекжай таныстыру туры               | Ашық көрсетілім,<br>экскурсия | Ақпан 2026<br>жыл  | Әдіскер,<br>психолог     |
| 7  | «Дәстүр – ұрпаққа аманат» –<br>Наурыз мерекесіне арналған<br>салт-дәстүр көріністері       | Театрландырылған<br>қойылым   | Наурыз<br>2026 жыл | Тәрбиешілер              |
| 8  | «Таза аула – жарқын<br>болашақ» ата-аналармен<br>бірлескен сенбілік                        | Еңбек күні                    | Сәуір 2026<br>жыл  | Әдіскер,<br>психолог     |
| 9  | «Әке – отбасының тірегі»<br>әке мен бала арасындағы<br>спорттық және<br>шығармашылық жарыс | Сайыс                         | Мамыр<br>2026 жыл  | Психолог,<br>тәрбиешілер |
| 10 | «Туған жерге тағзым» –<br>ескерткіш аумағын тазарту<br>және экскурсия                      | Экскурсия,<br>сенбілік        | Маусым<br>2026 жыл | Әдіскер,<br>психолог     |
| 11 | «Балалар және цифрлық<br>дәуір: пайдалысы мен<br>қауіптері»                                | TEDx форматында<br>кездесу    | Шілде 2026<br>жыл  | Әдіскер,<br>психолог     |
| 12 | «Альфа буынына тәрбие:<br>жаңа заманға бейімдеу<br>жолдары»                                | Сұхбат, пікірталас            | Тамыз 2026<br>жыл  | Психолог,<br>логопед     |

ЖШС «MDU Bagytty bala» балабақшасы

Бекітемін:  
“MDU Bagytty bala”  
балабақшасының меңгерушісі:  
Өміргалиева А.Б.



«Алтын күз – шығармашылық шуағы»

сурет және қолөнер көрмесі

2025-2026оқу жылы



**«Алтын күз – шығармашылық шуағы»**

**Тақырыбы:** «Алтын күз – шығармашылық шуағы» атты сурет және қолөнер көрмесі

Көрменің атауы: «Алтын күз – шығармашылық шуағы»

Өтетін орны: Балабақша залы

Қатысушылар: Балалар, тәрбиешілер,

1. Кіріспе бөлім

Жүргізуші:

- Қош келдіңіздер, құрметті ата-аналар, тәрбиешілер және кішкентай қонақтар!
- Бүгін біз сіздермен бірге «Алтын күз – шығармашылық шуағы» атты сурет және қолөнер көрмесіне жиналып отырмыз. Бұл – балалар мен ата-аналардың бірлескен еңбегінің нәтижесі!

2. Көрмені ашу

Меңгеруші сөзі: Өмірғалиева А.Б

- Балаларымыздың табиғи материалдармен жасаған жұмыстары – олардың қиялы мен шығармашылық әлеуетін көрсетеді. Бұл көрме – ата-ана мен балабақша арасындағы байланыс көрінісі.

3. Балалар өнері бойынша экскурсия

Тәрбиеші:

- Жапырақтардан жасалған аппликациялар
- «Күзгі бақ» макеттері
- балалардың күз туралы салған туындылары
- Ата-аналармен бірлескен қолөнер бұйымдары – ерекше назарда!

4. Балалар өнер көрсетеді (өлең, ән, би):

- Балалар күз туралы тақпақ айтады

- «Сары жапырақтар» биі

- «Күз келді» әні хормен

5. Қорытынды сөз:

Жүргізуші:– Бүгінгі көрмеден балалардың тек қана өнерге емес, еңбекке деген ынтасы да көрініп тұр.

– Барлық қатысушы балалар мен ата-аналар алғыс хаттармен марапатталады!



















ЖШС «MDU Bagytty bala» балабақшасы

Бекітемін:  
“MDU Bagytty bala”  
балабақшасының меңгерушісі:  
Өміргалиева А.Б.



*«Қарттарға құрмет – ұрпаққа өнеге»*

2025-2026оқу жылы



### ***«Қарттарға құрмет – ұрпаққа өнеге»***

**Жүргізуші:** Армысыз ауылымның асылдары,

Жайналсын көңілдердің жасыл бағы.

Сіздер үшін ән мен күй, өлең мен би,

Сіздер үшін мереке шашулары.

Қош келдіңіз ақ жаулықты аналар,

Ақыл кенін арқалаған аталар.

Алдарыңда жауқазындай құлпырған,

Біз алаңсыз балғын шақты балалар.

**Жүргізуші:** Қымбатты ақылдың кенін арқалаған айбынды аталар! Ақ жаулықты аналар! Барлықтарыңызды қазан айының алғашқы мерекелері қарттар күнімен құттықтаймыз дей отырып ортаға музыка жетекшісі Сымбат Ахметқызын шақырамыз «Мерекелеріңізбен» әнін қабыл алыңыздар!

Қазақ қарты жасына лайық ауызы дуалы, сөзі берекелі, ісі тыңғылықты, ойы терең, ақылы тілегей теңіз болып келеді. Міне, осындай теңеуге лайық қарияларды жылына бір рет келетін 1-қазан Қарттар күнімен құттықтай отырып ***«Қарттарға құрмет-ұрпаққа өнеге»*** мерекелік шарамызға қош келдіңіздер дегім келеді. Кешімізді бастамас бұрын сөз кезегін балабақшамыздың меңгерушісі Айдана Баубекқызына береміз.

Би: «Қамажай». Орындағандар: «Балдарған» тобы

**Жүргізуші:** Алдында ақыл берер қария ғой,

Жақсылар жақсылыққа жария ғой.

Жастарға ол парасатты кеңес берер,

Сөзге бай ағып тұрған дария ғой.

**Ән: «Асыл әжем». Орындағандар:Ботақан тобы**

**Жүргізуші:** Халқымыздың тәлім-тәрбиесі ананың ақ сүтімен, әже өнегесімен, аталар ақылымен берісіп, өзіндік қасиетімізді қалыптастыру көзделген.

Көрініс: «Әже мен бала» Орындағандар:Сәйгүлік тобы

Жүргізуші:Ел мүддесін бәрінен биік қоятын, өзінен кейінгі ізіне ерген інілеріне ізеттігін аямайтын, ізінен ерген ұрпағына ұлылығын ұялатып, бір қауымға бас-көз бола білген ауыл қарттарының орны ерекше.

Би: «Асықтар» Орындағандар:Айгөлек тобы

**Жүргізуші:** Аппақ шашың күн сайын қылаңдаған,

Зейнет емес бейнеттен арылмаған.

Тәңірімдей табынып өтем мәңгі,

Қариялар өзіңді ел сыйлаған.

**Жүргізуші:** Олай болса, әр халықтың бойында ықылам заманнан бері қалыптасып оны өзгелерден даралап тұратын, тек өзіне ғана тән қасиеттері болады. Біздің халқымыздың сондай ерешеліктерінің бірі – үлкенді сыйлау, оның сөзіне құлақ асу.

Ойын: «Анама көмекетес» Орындағандар:Балбөбек тобы

**Жүргізуші:** Олай болса, әр халықтың бойында ықылам заманнан бері қалыптасып оны өзгелерден даралап тұратын, тек өзіне ғана тән қасиеттері болады. Біздің халқымыздың сондай ерешеліктерінің бірі – үлкенді сыйлау, оның сөзіне құлақ асу.

Би: «Батырхан» Орындағандар:Қызғалдақ тобы

Жүргізуші:Балабақшамыздың сіздерге арнап өз қолдарынан жасаған сыйлықтары бар. Қабыл алыңыздар! Мерекелік шараны аяқтай отыра «Батамен ел көгерер, жаңбырменен жер көгерер» демекші ата - әжелер бата, ізгі ниет - тілектеріңіз болса, сөз кезегін өздеріңізге береміз.



ЖШС «MDU Baqytty bala» балабақшасы

Бекітемін:  
“MDU Baqytty bala”  
балабақшасының меңгерушісі:  
Өміргалиева А.Б.



«Отбасылық спорт мерекесі»

отбасылық сайысы



**Тақырыбы:** « «Отбасылық спорт мерекесі»» отбасылық сайысы

**Мақсаты:** балалар мен ата-аналарға адам денсаулығының қымбаттылығын, өмір сүру үшін қажеттілігін, бағалы байлық екенін түсіндіру. Балаларды және ата-аналарды сұлу да сымбатты, денсаулығы зор, күшті болу үшін денені шынықтыру, оларға спортпен айналысуын қажет екендігінің маңызын түсіндіру. Салауаттану - адам жанының да, тәнінің де тазаруы, денсаулығының жақсаруы, сондықтан салауатты өмір салтын ұстануға тәрбиелеу.

**Көрнекіліктер:** 1. Доп, жалаушалар, шеңбер, скакалка, секундомер, ысқырық, арқан.

**Барысы:**

**Жүргізуші:** Құрметті ата-аналар және балалар қауымы! Тәлімді тәрбие отбасынан бастау алса, дені сау ұрпақ – ұлт болашағы болмақ.

«Шынықсаң шымыр боласың

Сауығып айдай толасың.

Спортты серік ете біл,

Жақсы азамат боласың.

Жеңімпаз болу оңай ма,

Арман болған талайға?

Болмасаң да ұқсап бақ,

Жарысқа түсіп қалайда». Бүгінгі «Жүзден жүйрік» спорттық отбасылық сайысқа қош келдіңіздер!

Ортаға сайысқа қатысатын топтарды шақырамыз. Қатысушылар тудың суреті бар көк жалауша ұстап шығады.

**Ботақан тобы .**

**Түймедақ тобы.**

**Қызғалдақ тобы.**

**Әнұран орындалады.**

**Жүргізуші:** «Жүзден жүйрік » отбасылық сайысы – отбасыларды спортқа баулиды. Ата-ана мен баланың арасындағы бірлік пен татулық қасиеттерін нығайта түседі! Бұл жарыс - отбасылардың қатысуымен өтетін тәрбиелік маңызы зор ойын-сауықты бағдарлама. Осындай бағдарлама бүгінде біздің балабақшада ортаңғы топтар мен сүйікті де белсенді ата-аналарының

арасында өткізілгелі отыр. Әр отбасы жеке топты құрайды. Әр топ жеңіс мәресіне жету үшін бірнеше кезеңнен тұратын кедергілерге төтеп беруі тиіс.

Сайысымызды ашып беру үшін ортаға балабақшамыздың меңгерушісі Қойшығұлова Жайдары Берденовнаны шақырамыз.

Ортаға «.....» әнімен балабақшамыздың .....тобының бүлдіршінің шақырамыз.

### **Жүргізуші:**

Спорт – денсаулық кепілі десек, «Жүзден жүйрік» отбасылық сайысы отбасылық тәрбие мен салауатты өмір салтын насихаттау мақсатында ұйымдастырылып отыр. Біріншіден, дені сау ұлттың қалыптасуына атсалысады, екіншіден бағдарламаға қатысқан әр отбасыға рухани және мәдени мереке сыйлайды.

### **Жүргізуші:**

Біздің жетістіктерімізді бағалайтын әділқазылар алқасымен таныстыруға рұқсат етіңіздер!

1. Балабақша меңгерушісі – Қойшығұлова Жайдары Берденқызы
2. Балабақша әдіскері – Кульшанбаева Жаудиркоз Мусагалиқызы
3. Балабақша медбикесі – Картбаева Шырнарарай Ташмағанбетқызы

### **Жүргізуші:**

Бүгінгі спорттық сайыс 2 кезеңнен тұрады.

1. Таныстыру
2. «Шынықсаң шымыр боласың» дене жаттығу жасауы

**Жүргізуші:** Сайысқа арнайы 3 ортаңғы топтан 5 отбасыдан қатысады.

Ал, енді **I «Таныстыру»** кезеңін бастайық!

Әр топ өздерінің командаларын таныстырып өтеді.

**Жүргізуші:** Ал, енді ойынымыздың негізгі бөлігіне көшейік. «Шынықсаң, шымыр боласың» тақырыбында әр түрлі дене жаттығулары.

**Жүргізуші:** 1 тур Эстафеталық жалауша.

Топ мүшелері жалаушаны алып жүгіре отырып, белгіленген межені айналып, таяқшаны келесі ойыншыға табыстайды.

**Жүргізуші:** 2 тур Аралас эстафета.

Қатысушы допты кедергілер арасымен аяғымен жүргізе отырып, межеге қойып кетеді, ал баласы тіке жүгіріп барып, межедегі допты кедергілер арасымен қолымен жүгірте отырып алып келеді. Келесі қатысушы скакалқамен кедергілер арасымен жүгіре отырып, межеге скакалканы қалдырып, тіке жүгіріп қайтып келеді.

**Жүргізуші:** 3 тур Шеңбермен жүгіру.

Қатысушы шеңберді айналдырып жүгіріп келіп, тақтадағы мақал-мәтелдің жалғасын табу керек.

**Жүргізуші:** 4 тур Кім шапшаң?

Қатысушы қашпен секіріп келіп, ине жіпті сабақтау қажет.

**Жүргізуші:** 5 түр Пингвин.

1 қатысушы допты екі аяғының ортасына салып,межені айналып келеді де,допты келесі ойыншыға табыстайды.Осылайша ойын жалғасады.

**Жүргізуші:** 6 түр Арқан тартыс.

**Жүргізуші:** Осымен бүгінгі « Жүзден жүйрік » тақырыбындағы отбасылық сайысымыз аяқталды.Ортаға әділқазылар мүшесінің төрайымы Қойшығұлова Жайдары Берденовнаны шақырамыз.

**Қорытынды:** Командаларға ойын нәтижелері бойынша марапаттаулар табыстау.









Бекітемін:  
“MDU Bagytty bala”  
балабақшасының меңгерушісі  
Өміргалиева А.Б.



“Әдебиет – асыл қазына, ата-әже – дана қазына”

**Тақырыбы: “Әдебиет – асыл қазына, ата-әже – дана қазына”**

**Өтетін орны:** акт залы

**Қатысушылар:** тәрбиеші, балалар, ата-әжелер

**Зал безендірілуі**

- “Асыл сөз – атадан” стенді
- Қазақтың ұлттық бұйымдары (төсек, кебеже, сандық)
- Кітаптар көрмесі: ертегілер, мақал-мәтелдер жинағы

**1-бөлім. Кіріспе**

**Тәрбиеші сөзі:**

Құрметті ата-әжелер, қадірменді қонақтар!  
Бүгін біз қазақ әдебиетін ұрпақтан-ұрпаққа жеткізуші –  
ата мен әже екендігін дәріптей отырып,  
ұлттық сөз өнеріне арналған ертеңгілігімізді бастаймыз.  
“Ата – ақылдың кені, әже – тәрбиенің көзі” демекші,  
келіп отырған барлық үлкендерге алғыс білдіреміз!

Балалар шеңберге тұрып тақпақ айтады:

Атам — дана,  
Әжем — мейір,  
Ертегі айтып береді,  
Тыңдап қана отырсам,  
Ертегі өзі елестейді!

**2-бөлім. Әдебиет пен ауыз әдебиеті**

Көрініс: “Әже ертегі айтады”  
сахнада әже болады, балалар айнала отырып тыңдайды.

**Әже:**

“Ертеде, ерте-ертеде, ешкі жүні бөртеде,  
Қарақұмда бір ауыл болыпты...”

(Қысқаша ертегі үзінді айтады: “Түлкі мен тырна”)

Балалар ертегіден үзінді шағын көрініс қылып көрсетеді.

3-бөлім. Ата – шежіре, Әже – өнеге

Тәрбиеші: — Әжеден ертегі үйрендік, атадан өнеге үйрендік.

Атадан қалған тағы қандай асыл сөздер бар?

Балалар кезекпен мақал-мәтел айтады:

- Ата – бәйтерек, бала – жапырақ.
- Батыр туса – ел ырысы.

Балпанақтай ұл туса – жер ырысы.

- Жақсы сөз – жарым ырыс.

Мақал құрастыру ойыны

Тәрбиеші жартысын айтады, балалар жалғастырады.

Мысалы:

- Жақсының аты... (өлмейді)
- Жаманнан... (сәт қайтпайды)
- Ұяда не көрсең... (ұшқанда соны ілерсің)

4-бөлім. Ата-әжелер байқауы

“Өсиет сөз” байқауы

Әр ата немесе әже 1–2 шумақ нақыл, өсиет, бата айтады.

Балалар батаны бірге қабылдайды:

Жақсы болындар,

Аман болындар,

Әдептен аспандар,

Үлкенді сыйлаңдар!

5-бөлім. Ән және би

- Қыздар биі: “Айгөлек”
- Ұлдар биі: Қара жорға
- Балалар орындайды: “Әжем-ай” әні

Қорытынды

Тәрбиеші: Бүгін біз әдебиеттің, ертегінің,

өсиет сөздің – ұлттың ұлы қазынасы екенін таныдық.

Ол қазына сіздер — қадірлі ата мен әженің жүрегінде.

Барлық балалар хормен:

Ата сөзі – ақылдың көзі!

Әже сөзі – тәрбиенің өзі!





